

Was die Frücht betrifft/ sol er seine Deyffel/ Biren / vnd andere Baumfrüchte sammeln / im abnemenden Mond/ gleich wie er auch eben zu der zeit den Herbst sol einmachen. Denn der Mond wirt alsdenn wircken/ daß die Wein besser vnd stärker werden/ da sonsten zu besorgen/ daß im nachfolgendem Merzen die Wein umbschlagt/ eben zu der zeit/ wenn man die Reben schneidet.

In summa/ alles was er im Haus zur notturfft haben wil/ sol er im abnemenden Mond sammeln/ vnd eintragen.

Im alter/ oder zu ende desmonds/ sol er seine Ackerfrucht/ Korn/ vnd ander gekörn säen/ jäten/ wannen/ siben/ reitern / vnd auffschütten / auch sein Getreyde malen lassen/ auff daß sich das Mehl deste länger halte.

Gleichwol ist auch war/ daß das Brot besser auffgehct/ vnd erschießt/ wenn man den Teig in dem Newen vnd wachsenden Mond anmachet.

Einmeyen vnd einschneiden sol er/ wenn der Mond abgehct.

Hanff/ Flachs/ vnd allerley Hülsenfrucht/ sol er zugleich zeit außziehen. Gleichwol ist darbey auch war/ daß die Linsen/ Erbsen vnd Bonen/ vnd andere hülsige frucht / welche man im zunehmenden Mond außziehet/ leichter zu kochen seind.

So viel die Kräuter belangt/ sol er sie säen/ wenn der Mond new ist/ vnd sie einsamlen/ wenn der Mond am schein zunimpt/ dieweil sie alsdenn kräftiger seyn/ als wenn er den schein anfähet zu verlieren.

Zu gleicher zeit/ sol er auch die Cucumern/ Kürbsen/ Melonen / Citronen/ Pseben/ vnd alle Wurzeln/ die oben auff/ oder wie man redet/ am Haupt/ außschlagt / Als Knoblauch/ Rüben/ Rettich/ Steckrüben/ Rabunzeln/ Lauch/ Saffran / vnd dergleichen/ ablesen/ außgenommen die Zwiblen/ die gar das widerspiel erfordern/ denn man befindet sie allezeit vollkommener vnd grösser/ im abgang/ denn im zugang/ oder volle desmonds. Jedoch/ wenn man diese Zwiblen im abnemenden desmonds/ vnd zu ende desselbigen / säet / oder versetzt/ seind sie viel stärker/ schärpffer/ vnd beissen viel mehr/ als wenns im zunemen/ oder vollem Mond geschehe.

Weiter sol er seine Wiesen zum Futter des Viehes mehen/ wenn der Mond new ist. Seinen Grund sol er misten vnd tünzen/ wenn er voll ist. Sintemal der Mond nicht minder krafft hat/ den Boden zu erweichen/ als die Baum vñ den Samen herfür zu bringen/ vnd zu mehren. Seine Wiesen vnd Matten/ sol er mit abnemendem Mond wässern.

Die Sone berührende/ welche das ander Instrument der ganzen Welt ist/ so das mehrertheil seine eygentliche wirckungen bey Tag/ dessen er ein vrsacher ist/ hat/ gleich wie der Mond seine bey Nacht/ so er in kräftten ist. Dieselbige Sone/ sage ich/ gibt durch ihre natürliche hitz/ influent/ wirckung/ glantz vnd schein/ den irrdischen Körpern die form/ gestalt/ vnd das dawend/ mehrend vñ nehyend Leben/ sampt sonderlichen eygenschaften vñ kräftten. Sintemal ein jeder natürlicher Körper/ ihrer fähig ist/ vnd sie nicht allein begeret/ sondern auch haben muß.

Nun alle solche wirckungen der Sonnen/ in den Irddischen materien/ die erweisen sich durch gewisse bewegungen/ vnd erregungen derselbigen/ in den vier Jarzeiten/ welches die ganze zeit ist/ in welcher die Sone ihren ganzen Lauff vollendet.

Derhalben ein geschickter Meyer/ wol auff die vier Jarzeiten achtung haben solle / Als auff den Frühling/ Sommer/ Herbst vnd Winter/ auff daß er nach dem Lauff vñ Krafft der Sonnen/ in diesen vier Jarzeiten/ seine sachen auff dem Feld anstelle/ handle vnd vollnführe. Welches wir denn in folgenden Capiteln/ besonder nach der arbeit / die einem jeden Bawersmann in jedem Monat zu vollnbringen schuldig/ nun außzuführen gedencken.

Das siebende Capitel.

do C. 5. et 26. lib. 1. c. 10 Von der Arbeit/ die einem Bawersmann jeden Monat stehet zu vollnbringen.



Ver alles obgesetztes/ damit des Meyers Dienstvolcklin nit müßig seye/ vñ nicht ein klein viertheil stündlin vñ nützlich hingehen lasse/ Sol er seine Arbeit in gewisse zeit außtheilen/ vnd bey einem Neglein wissen/ was einem jden Monat/ vnd ein jede Jarzeit/ stehe fürzunemen / vnd zu verrichten.

Von dem Jenner.

In dem ersten Monat/ nach dem Kalender/ sonderlich in warmen Ländern/ magst du erkennen/ Gütigkeit/ oder Luft/ Wind/ Wasser/ vnd gewöhnlicher Ort. Wiewol in mäßigen Ländern/